



Broj: UP1- 10/1-38-017266-1/18

Tuzla, 13.06.2018.godine

Na osnovu člana 26. Zakona o visokom obrazovanju („Službene novine Tuzlanskog kantona“, broj: 7/16, 10/16, 5/17 i 15/17), člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/17) i Rješenja o ispunjavanju uslova za izvođenje studijskog programa *Menadžment u turizmu* broj: UP1-10/1-38-017266-1-1/18 od 13.06.2018. godine, ministarstvo obrazovanja i nauke Tuzlanskog kantona izdaje,

### LICENCU ZA IZVOĐENJE STUDIJSKOG PROGRAMA

1. Ekonomskom fakultetu Univerziteta u Tuzli dozvoljava se pružanje usluga visokog obrazovanja za studijski program *Menadžment u turizmu*.
2. Univerzitet u Tuzli je visokoškolska ustanova koja se bavi nastavnim, naučnim i naučno-istraživačkim radom, i koja je ovlaštena da dodjeljuje akademska zvanja na prvom (I) ciklusu studija za studijski program *Menadžment u turizmu*.
3. Ekonomski fakultet (na odsjeku Poslovna ekonomija) Univerziteta u Tuzli ovlašten je da izvodi sljedeći studijski program na prvom ciklusu studija, i to:
  - Studijski program *Menadžment u turizmu* na prvom ciklusu studija u trajanju od 3 godine (6 semestara).
4. Univerzitet u Tuzli ovlašten je da dodjeljuje sljedeća akademska zvanja i to:
  - Na studijskom programu prvog ciklusa studija *Menadžment u turizmu* dodjeljuje se diploma o završenom studiju *Menadžment u turizmu* i dodjeljuje zvanje Bachelor menadžmenta u turizmu, a vrednuje se sa 180 ECTS bodova.
5. Ekonomskom fakultetu (na odsjeku Poslovna ekonomija) Univerziteta u Tuzli dozvoljava se upis studenata na prvu godinu studija studijskog programa navedenog u tački 3. počevši od akademske 2018/19. godine.
6. Licenca za studijski program prvog ciklusa studija navedenog u tački 3. se izdaje na period od pet (5) godina.


**DOSTAVLJENO:**

**1 x Ekonomski fakultet**

**Univerziteta u Tuzli**

**1 x Evidencija**

**1 x Arhiva**



**MINISTAR**

*Zlatan Muratović*  
**mr. sc. Zlatan Muratović**



Broj: UP1- 10/1-38-017266-1-1/18

Tuzla, 13.06.2018.godine

Na osnovu člana 26. Zakona o visokom obrazovanju („Službene novine Tuzlanskog kantona“, broj: 7/16, 10/16, 5/17 i 15/17), člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/17), postupajući po zahtjevu Ekonomskog fakulteta Univerziteta u Tuzli broj: 01-2927/18 od 18.05.2018. godine, sa sjedištem u Tuzli, ulica Univerzitetska br. 8, 75000 Tuzla, Ministarstvo obrazovanja i nauke, Tuzlanskog kantona donosi

### R J E Š E N J E

1. Utvrđuje se da Ekonomski fakultet Univerziteta u Tuzli sa sjedištem u Tuzli, ulica Univerzitetska br. 8, 75000 Tuzla, (u daljem tekstu: „Ekonomski fakultet“), ispunjava uslove za izvođenje studijskog programa prvog ciklusa studija i to: Menadžment u turizmu u trogodišnjem trajanju – 180 ECTS bodova od akademske 2018/2019 godine, a koji se odnose na:

- a) *kvalitet akademskog sadržaja*
- b) *relevantnost ishoda učenja za tržište rada*
- c) *kapacitet visokoškolske ustanove da u skladu sa Standardima i normativima visokog obrazovanja provede studijski program,*
- d) *usklađenost strukture studijskog programa sa bolonjskim principima,*
- e) *usklađenost ishoda učenja sa savremenim zahtjevima u naučnoj oblasti, međunarodnim iskustvima i zahtjevima tržišta rada,*
- f) *podudarnost u većem dijelu sa studijskim programima iz najmanje tri licencirane akreditovane visokoškolske ustanove iz zemalja potpisnica Bolonjske deklaracije.*

2. „Ekonomski fakultet“ raspolaže potrebnim akademskim osobljem za izvođenje studijskog programa Menadžment u turizmu i to 25 izabrana profesora i 5 izabrana asistenta. Po izvještaju komisije broj nastavnika potrebnih za izvođenje predavanja na studijskom programu Menadžment u turizmu se dobije na osnovu ukupnog broja predviđenih sati predavanja na svim predmetima (99) i maksimalnog opterećenja nastavnika i iznosi 4,95 nastavnika. Broj asistenata potrebnih za izvođenje vježbi na studijskom programu Menadžment u turizmu se dobije na osnovu ukupnog broja predviđenih sati vježbi na svim predmetima (51) i maksimalnog opterećenja asistenta i iznosi 1,70 asistenata. Član 17. Standarda i normativa visokog obrazovanja Tuzlanskog kantona nalaže da visokoškolska ustanova treba da ima najmanje polovinu nastavnika u radnom odnosu sa punim radnim vremenom u odnosu na ukupan broj sati predavanja na svim studijskim godinama, polovina od ukupnog broja nastavnika predstavlja 2,475 nastavnika. Izbor nastavnog osoblja je izvršen prema užim naučnim oblastima i nastavnim predmetima. Potrebno neakademsko osoblje je angažovano u skladu sa standardima i normativima visokog obrazovanja Tuzlanskog kantona, na osnovu zaključenih Ugovora o radu.

3. „Ekonomski fakultet“ raspolaže neophodnim prostornim kapacitetima za izvođenje studijskog programa prvog ciklusa studija Menadžment u turizmu, pregledom objekta od strane komisije utvrđeno je da Ekonomski fakultet Univerziteta u Tuzli zadovoljava pomenute kriterije. Ukupna trenutna površina objekta je 2.515,05 m<sup>2</sup>, koja obuhvata sale za izvođenje nastave/vježbi, učionice, računarska sala raspolaže i sa potrebnim softverima koji se koriste u nastavnom procesu, te kabineti za akademsko osoblje, te neophodni administrativni prostor, kao i prostor za tehničko osoblje, prostor za sastanke, arhiva. Uzimajući u obzir normative vezane za površinu (optimalna površina za društvene nauke iznosi 6 m<sup>2</sup>, dok minimalna površina iznosi 70% optimalne) i planirani broj redovnih

studenta za upis na studijski program Menadžment u turizmu, potrebna ukupna površina potrebna za rad iznosi 300 m<sup>2</sup>

4. Na Ekonomskom fakultetu studentima je na raspolaganju i biblioteka koja po obimu i raznovrstnosti bibliotečkog fonda značajno može pomoći u savladavanju zahtjeva naučnoistraživačkog rada.

5. Za potrebe uspostavljanja funkcionalne organizacione jedinice „Ekonomski fakultet“ učionice, kabineti, uredski prostori i biblioteka su opremljeni namještajem i opremom prema traženim standardima.

6. U skladu sa prostornim, kadrovskim, organizacionim i materijalno-tehničkim uslovima, i informatičkom opremom navedenom u Izvještaju Komisije za licenciranje daje pozitivnu ocjenu vezanu za licenciranje studijskog programa prvog ciklusa studija Menadžment u turizmu.

7. Po isteku akademske 2021/2022. godine Ministarstvo će izvršiti nadzor nad radom Ekonomskog fakulteta Univerziteta u Tuzli u djelu koji se odnosi na realizaciju studijskog programa prvog ciklusa studija Menadžment u turizmu.

### Obrazloženje

Ministarstvu obrazovanja i nauke Tuzlanskog kantona obratio se Ekonomski fakultet JU Univerzitet u Tuzli sa zahtjevom za provođenje postupka licenciranja studijskog programa prvog ciklusa studija Menadžment u turizmu.

Ministarstvo obrazovanja i nauke Tuzlanskog kantona je na osnovu člana 26. stav (4) Zakona o visokom obrazovanju („Službene novine Tuzlanskog kantona“, broj: 7/16, 10/16, 5/17 i 15/17) i člana 6. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/17) donjelo Rješenje broj: UPI- 10/1-38-017257-1/18 od 28.05.2018. godine o imenovanju Komisije za licenciranje studijskog programa prvog ciklusa studija Menadžment u turizmu na Ekonomskom fakultetu JU Univerzitet u Tuzli u sastavu: prof. dr. Jamila Jaganjac – predstavnik akademske zajednice, predsjednik; prof. dr. Zijad Hasić – predstavnik akademske zajednice, član; prof. dr. Suad Hamzabegović - predstavnik akademske zajednice, član; Mr.sc. Jasminka Kurević – predstavnik Ministarstva, član, Medira Čulum – predstavnik Ministarstva, član.

Komisija je održala dva sastanka i Ministarstvu dostavila Izvještaj o radu Komisije sa zapisnicima.

Komisija je na osnovu dostavljene dokumentacije i uvidom na licu mjesta konstatovala da su ispunjeni uslovi u skladu sa Zakonom o visokom obrazovanju i podzakonskim aktima za licenciranje studijskog programa prvog ciklusa studija Menadžment u turizmu na Ekonomskom fakultetu JU Univerzitet u Tuzli. Komisija je dala pozitivnu ocjenu o ispunjenosti uslova za realizaciju navedenog studijskog programa i predložila nadležnom ministarstvu izdavanje rješenja i licence o ispunjavanju uslova za izvođenje studijskog programa prvog ciklusa studija Menadžment u turizmu u trogodišnjem trajanju – sa 180 ECTS bodova, od akademske 2018/2019 godine.

Na osnovu naprijed navedenog te Izvještaja Komisije od 07.06.2018. godine odlučeno je kao u dispozitivu rješenja.

Pouka o pravnom lijeku: Ovo rješenje je konačno u upravnom postupku, a protiv istog se može pokrenuti upravni spor pred nadležnim sudom u Tuzli u roku od 30 dana od dana dostavljanja. Tužba se u dva primjerka predaje sudu neposredno ili putem pošte.

#### DOSTAVLJENO:

1 x Ekonomski fakultet

Univerziteta u Tuzli

ulica Univerzitetska br. 8, Tuzla

1 x Evidencija

1 x Arhiva

